



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stella Mystica

Bonald, François

Coloniae, 1607

Quomodo B. Virgo sit maris stella: & quomodo nos stellae esse possimus.

urn:nbn:de:hbz:466:1-10014

A V E M A R I S S T E L L A.

*Quomodo B. virgo sit maris stella: &
quomodo nos stella esse possimus.*

C O N S I D E R A T I O.



Fidelis anima certum
atque indubitatum est,
Beatam Virginem M A-
RIAM, (vti in meditati-
one ais:) non esse stellam naturalem
sed mysticam, ita nuncupatam pro-
pter similitudinem quam habet cum
stellarum naturalium proprietatibus
& effectis. Stellarum effectus sunt:
illuminare corpora, & influere vir-
tutes occultas in hæc inferiora: B.
Virginis verò, animabus & corpo-
ribus hominum diuinam lucem præ-
ferre, illisq; sua intercessione coele-
stium donorum, & gratiarum co-
piam impetrare. In quo considera-
re potes Sanctos oēs stellas appel-
lari, & vti S. Apostolus Paulus ait,

*Stellarum
effectus quæ.*

*1. Cor. 15.
Sancti stel-
lae sunt.*

quem-

quemadmodum stellæ à se inuicem differunt in claritate: ita & sanctos inter se, idque secundū id quod magis vel minus sunt vicini Deo. Unde conijcere potes Beatissimam virginem Mariam sicut supra omnes Angelorum & Sanctorum ordines euecta fuit, ita etiam Deo proximā esse, adeoque plus recipere luminis & claritatis diuinæ, quam nemo Angelorum vel sanctorū. Hinc est quod sacræ litteræ appellent eā

Apoc. 13

*S. Berna. in
hunc locum.*

mulierem amictam sole: perinde ac si dicerent: Sicut sol omnium siderum claritatem longe superat: ita Beatiss. Virginis gloriam & claritatem omnium sanctorum splendorem infinitis partibus excedere.

Est itaque, o fidelis anima, vnde gaudeas, quod Deus tam splendidum tibi sidus, cuiusmodi est Beatissima Virgo Maria, pro itineris duce donauerit. Verum enim uero nō

*B. Virgo pro
viribus imi-
tanda est.*

Marc. 2.

sufficiet tibi de tali duce prouisam esse, nisi eam etiam quocunque pręierit sequi atque vestigijs eius instigare labores. Si Magi contenti fuissent

sent stellam quæ ipsis apparebat tantum aspexisse, nunquam ad Bethlemiticam speluncam peruenissent, nec ibi Regem recens natum adorassent: sic etiam si tibi satis est habere beatam virginem pro duce, & illam pro virili non imitaris, nunquam ad æternæ salutis portum, ubi sponsus tuum dulcissimum IESVM contempleris, appelles.

Modum & rationem eam sequendi si requiris: respondebo te hoc facturum, si pro viribus stellarum in te qualitates & effecta exprimere labores. Stellæ, ut ante meminimus, inferiora hæc illustrant: effice igitur ut & tu per virtutum & bonarum actionum exempla illis cum quibus versaris, præluceas. Stellæ nunquam ad terram descendunt, sed in coelo semper manent: sic & tu cor tuum in coelo defige, & si omnino coelestis esse nequis, saltem ne planè sis terrena, caue. Erige frequenter mentem tuam ad superna, atque in spiritu cum coelestibus ciuibus suaviter conuersare.

Stella quomodo quilibet esse possit.

B

Hæc

Hæc eadem in sacris literis tibi
 sæpè cōmendantur. Enimuerò quo-
 ad primū Saluator ait: *sic luceat lux*
vestra coram hominibus, ut videant
opera vestra bona, & glorificent Pa-
trē vestrum, qui in cœlis est. Alios
 quidem verbis & sermonib. ad vir-
 tutem, & iustitiæ studium cohorta-
 ri bonū est & magni meriti si ex cha-
 ritate fiat: quia scriptū est: *Qui ad in-*
stitiā erudiūt multos, fulgebunt sicut
stella in perpetuas æternitates. Sed i-
 dem bono exemplo agere, alijsque
 salutis viā sanctimonia & integra-
 te vitę præmōstrare, maioris est vir-
 tutis & efficaciz. Hinc est quod sū-
 mus ille Magister & Doctor IESVS
 Christus dum in terris vitā ageret
 utrūq; coniunxerit: vti pulchrè ob-
 seruauit S. Lucas cū ait: *Cœpit Iesus*
facere & docere. Quin èt quotidia-
 nus vsus & experiētia declarat, vir-
 tutes & vitia, quę in alijs cōspicimus
 plus viriū habere, efficaciusq; nos
 ad similiū operum affectionē exci-
 tare, q̄ sola verba. Cū sancto sanctus
 eris, ait Psalmista: *& cum peruerso*
 per.

Matth. 5.

Dan. 12:

Boni exem-
pli virtus
quanta sit.

Act. 1.

Psalm. 17.

peruerteris. Da igitur operā, fidelis Anima, vt bono exēplo præluceas proximis; maximè domesticis & illis qui curæ tuæ commissi sunt: hoc namq; agendo primam stellæ proprietatem; quæ est lucere & illuminare, imitando exprimes.

Quoad secundum, videlicet, ne semper in terris repas. S. Paulus ait: *Nostra conuersatio est in cœlis* Loquitur ibi Christi fidelibus; quos admonet, vt cor suum in cœlo collocent, ibiq; cum Deo & sanctis eius incessanter cōuersentur. Hoc exēplo suo præstitit S. Paulus Apost. hoc ēt & quidē præ cæteris omnib. perfectius gloriosissima virgo Maria, quod SS. Ecclesiæ Doctores suo testimonio cōfirmāt. Hęc igitur sequere, & ad illius imitationē te totū cōfinge, si illā tibi stellam & nauigationis ducē & directricem esse cupis. Qui .n. affectum suum mundi reb. implicent, terreni permanent, nec B. Virginē per cœlestes semitas insequi possunt: & qui cum proximis bono exēplo lumē præferre deberēt, illos

Philip 3

S. Ambr.
lib. 2. de
virg.

S. Bernardus
passim.

Math. 18.

contrà fumo malorum morum, & peruersæ conuersationis denigrant & obfuscant, non sunt stellæ coeli, sed titiones ignis æterni. *Væ mundo à scandalis*, ait Dominus. & ibidem: *Qui scādalizauerit unū de pusillis his qui credunt in me, melius est ei, ut mola asmaria suspendatur ad collum eius, & demergatur in profundum maris.* Quibus verbis indicare uoluit supplicium hoc longè mitius ei futurum, quam illud quod in futuro sæculo subiturus esset. Enitere igitur, Anima Christiana, proximis bono exemplo esse, atque cor sæpe ad cœlestia leuare. hoc agendo B. Virginem stellam & fidelem ducem tuam sequêris, ac re ipsa cognosces illam verè stellam & Dei matrem esse: potentissimamque tibi succurrere, atque ab omnibus periculis huius maris in quo nauigas & periclitaris **emere.**

DEI